

Cynllun Pensiwn Llywodraeth Leol (Cymru a Lloegr): 'Fit for the Future'

Ymateb ymgynghoriad gan Gronfa Bensiwn Gwynedd

Cwestiwn 1

Ydych chi'n cytuno y dylid gofyn i bob cronfa ddiwallu'r safonau gofynnol o gronni a nodir uchod?

Ymddengys bod cyd-destun y newidiadau yn awgrymu nad yw'r CPLIL yn gweithredu'n effeithiol. Yng Nghronfa Bensiwn Gwynedd, rydym yn credu bod y gronfa a Phartneriaeth Pensiwn Cymru wedi bod yn gweithredu'n effeithiol gyda lefel gyllid cryf ofnadwy, pwyllgor sy'n ymgysylltu llawer a pherthynas wych rhwng y gronfa a'r cyd-gronfa.

Mae'r safonau isafswm a osodwyd ar gyfer y cyd-gronfa yn ddatblygiad sylweddol o'i rôl gyfredol ar gyfer Partneriaeth Pensiwn Cymru, ond mae disgwyl iddynt ddarparu'r gwasanaethau hyn mewn ychydig dros flwyddyn. Rydym yn gweld hyn fel risg sylweddol i ddeilliannau buddsoddi'r CPLIL ac felly cyllid cyhoeddus y llywodraeth leol a threthdalwr.

Rydym yn credu y dylid ail-ymdrin â phwrrpas a gyrrwr y cynigion, rhoi amserlen sy'n sylweddol hwy i gyd-gronfeydd ddatblygu unrhyw wasanaethau newydd, gan ddatblygu amserlen blaenoriaethu yn seiliedig ar ddatblygiadau sy'n creu'r gwerth fwyaf a gwella deilliannau.

Cwestiwn 2

Ydych chi'n cytuno y dylai'r strategaeth fuddsoddi a osodwyd gan yr awdurdod gweinyddu gynnwys amcanion buddsoddi lefel uchel, ac yn ddewisol, dyraniad asedau strategol lefel uchel, gyda'r holl weithgareddau gweithredu wedi'u dirprwyo i'r gronfa?

Ydyn.

Mae'n rhaid i'r awdurdod gweinyddu gadw'r gallu i osod amcanion buddsoddi lefel-uchel a dyraniad asedau lefel-uchel er mwyn i'r cyfaddawd risg a dychwelyd gael ei alinio gyda rheolaeth rhwymedigaethau pob awdurdod gweinyddu. Pe byddai'r cwmni cyd-gronfa yn cymryd mwy o gyfrifoldeb dros weithredu strategaeth fuddsoddi (er enghraifft, dyraniad o fewn ecwitiâu) yna bydd angen i'r cwmni cyd-gronfa a'r awdurdod gweinyddu weithio gyda'i gilydd yn agosach. Yn ychwanegol, mae'n rhaid i'r awdurdod gweinyddu sicrhau ei fod yn medru gosod ei amcanion hinsawdd/ESG ac amcanion rheoli risg (gan fod hyn yn gysylltiedig â'r strategaeth ariannu sy'n bwrpasol i gronfa CPLIL).

Cwestiwn 3

Ydych chi'n cytuno y byddai strategaeth fuddsoddi ar y sail hon yn ddigonol i fodloni dyletswydd ymddiriedol yr awdurdod gweinyddu?

Na, mae ystyriaethau ychwanegol ar gyfer awdurdod gweinyddu wrth gwrdd â'u dyletswydd ymddiriedol.

Er mwyn cwrdd â'i ddyletswydd ymddiriedol, mae angen i'r awdurdod gweinyddu sicrhau bod y strategaeth fuddsoddi yn targedu lefel briodol o risg a dychwelyd i gyflawni ei amcanion ariannu. Felly, mae angen i'r awdurdod gweinyddu gadw dylanwad sylweddol dros y strategaeth fuddsoddi i sicrhau mai dyma yw'r achos. Yn ymarferol, bydd hyn yn gofyn am berthynas wahanol gyda'r cwmni cyd-gronfa, gan weithio mewn mwy o bartneriaeth i sicrhau cwrdd ag amcanion cronfa'r cleient.

Cwestiwn 4

Beth yw eich barn ar y templed arfaethedig ar gyfer dyrannu asedau strategol yn y datganiad strategaeth buddsoddi?

Yn ei ffurf ddrafft, mae'n rhy syml. Mae gan y mwyafrif o gronfeydd CPLIL y dyraniad mwyaf i ecwitiâu. Fel isafswm, dylid cynnwys y ffafriaeth rhwng gweithredol a goddefol yn y templed, gan fod hyn yn effeithio'n sylweddol ar gostau rheoli.

Cwestiwn 5

Ydych chi'n cytuno y dylai'r gronfa ddarparu prif gyngor buddsoddi ar strategaethau buddsoddi ei AG partner? Ydych chi'n gweld y byddai angen rhagor o gyngor neu fewnbwn er mwyn gallu ystyried cyngor a ddarperir gan y gronfa – os felly, ym mha ffurf yr ydych chi'n rhagweld hynny?

Na - mae gennym bryderon ar y cynnig i AG gymryd cyngor buddsoddi gan gwmnïau cyd-gronfa.

Gall y ffaith bod cwmnïau cyd-gronfa yn darparu cyngor strategol a gweithredu'r strategaeth arwain at fuddiannau sy'n gwrthdaro. Felly, ni ddylai cronfeydd y CPLIL orfod cymryd cyngor strategol gan y cwmni cyd-gronfa. Tra bo' awdurdodau gweinyddu efallai yn dymuno cael cyngor strategol gan y cwmni cyd-gronfa, mae'n rhaid iddynt fedru cael mynediad at gyngor strategol lefel-uchel annibynnol ac, yn y pen draw, eu penderfyniad nhw yw pa gyngor i'w dderbyn ac, os yn angenrheidiol, opsiynau eraill i'w archwilio gyda'r cwmni cyd-gronfa. Byddai ystyried cyngor y cyd-gronfa a chyngor annibynnol yn aml yn cynyddu costau ar gyfer y gronfa CPLIL.

Rydym yn rhagweld y byddai'r awdurdod gweinyddu dal i fod angen derbyn cyngor gan ymgynghorydd buddsoddi er mwyn derbyn sicrwydd, i herio'r cyd-gronfa a sicrhau cysondeb gyda'u strategaeth ariannu, gyda sgôp y cyngor yn gyfyngedig i amcanion strategol lefel-uchel.

Bydd angen i'r Datganiad Strategaeth Buddsoddi gadarnhau lle mae'r cyfrifoldeb strategol yn sefyll rhwng y cwmni cyd-gronfa a'r awdurdod gweinyddu er mwyn sicrhau bod yr awdurdod gweinyddu yn cyflawni ei ddyletswydd ymddiriedol.

Cwestiwn 6

Ydych chi'n cytuno y dylai pob cronfa gael ei sefydlu fel cwmnïau rheoli buddsoddi a awdurdodwyd gan yr FCA, a'u hawdurdodi i ddarparu cyngor perthnasol?

Mae Partneriaeth Pensiwn Cymru wedi ymrwymo i roi cwmni rheoli buddsoddi a reoleiddir gan yr FCA mewn lle os oes angen gwneud hynny, ond nid ydym yn credu bod hyn yn ofyniad angenrheidiol i gwrdd â'r amcanion datganedig o gronni.

Rydym yn deall y rhesymau dros fod eisiau'r safonau o broffesiynoldeb sy'n angenrheidiol i gael eu hawdurdodi gan yr FCA, fodd bynnag, mae Partneriaeth Pensiwn Cymru wedi datblygu dull i gael budd o awdurdodiad yr FCA o reolwyr buddsoddi wedi'i allanoli. Golyga hyn y bydd unrhyw fuddion ychwanegol o ddod yn awdurdodedig gan yr FCA eu hunain yn gyfyngedig. Yn hytrach, bydd yn ysgwyddo mwy o gostau o addasu'r model newydd ac yna'r costau gweithredu o'r staff mewnol ychwanegol y bydd angen eu recriwtio. Gall fod yn benodol anodd a drud i recriwtio'r staff angenrheidiol mewn cyfnod mor fyr.

Cwestiwn 7

Ydych chi'n cytuno y dylai AG fod yn ofynnol i drosglwyddo'r holl asedau rhestredig i gerbydau wedi'u cronni a reolir gan gwmni eu cronfa?

Dim o reidrwydd. Rydym yn credu y dylai'r holl asedau gael eu cronni er budd gorau'r cronfeydd. Mae gan Bartneriaeth Pensiwn Cymru fuddsoddiadau goddefol wedi'u rhestru mewn cerbydau wedi'u cronni nad ydynt yn cael eu rheoli gan gwmnïau cyd-gronfa. Mae'r drefn gyfredol hon yn gost effeithiol iawn. Os bydd trosglwyddo buddsoddiadau goddefol i gerbydau a reolir gan gronfeydd yn cael ei orfodi, bydd AG yn wynebu costau ychwanegol heb ddigolledu buddion.

Cwestiwn 8

Ydych chi'n cytuno y dylai awdurdodau gweinyddu fod yn ofynnol i drosglwyddo buddsoddiadau anhylifol etifeddol i reolwyr y cyd-gronfa?

Dim o reidrwydd. Unwaith eto, rydym yn credu y dylai cronfeydd gronni eu hasedau cyn belled â phosib, er budd gorau'r gronfa.

Byddwn yn cefnogi gofyniad na ddylid gwneud buddsoddiadau anhylifol newydd y tu allan i'r cyd-gronfa.

Cwestiwn 9

Pa gapasiti ac arbenigedd y byddai angen i'r cronfeydd ddatblygu i ymgymryd â rheoli asedau etifeddol y cronfeydd partner?

Bydd angen adnodd ychwanegol sylweddol gan fod asedau etifeddol yn weddol amrywiol.

Cwestiwn 10

A oes gennych farn ar yr amserlen ddangosol ar gyfer gweithredu, gyda chronfeydd yn mabwysiadu'r nodweddion arfaethedig a chronni wedi'i gwblhau erbyn mis Mawrth 2026?

Hyd yn oed ar gyfer y cyd-gronfeydd gyda mantais, mae cwrdd â holl ofynion y llywodraeth yn debygol o fod yn heriol. Bydd angen i nifer o gyd-gronfeydd, gan gynnwys Partneriaeth Pensiwn Cymru, ymgymryd â llawer o waith i gwrdd â gofynion y rheoleiddiad FCA, a gall fod gyda chostau gormodol a'r canlyniad anfwriadol o osgoi cronni pellach a buddsoddiad y DU wrth iddynt weithio drwy'r heriau hyn.

Ar gyfer pob un neu'r rhan fwyaf o gronfeydd, mae newidiadau sy'n gofyn am gymeradwyaeth AG (gan Gynghorau llawn a/neu bwyllgorau S101) yn debygol. Mae PPC yn cael ei lywodraethu gan Gytundeb Rhyng-Awdurdod (IAA) cyfreithiol rhwymol sy'n cynnwys rhai materion a gedwir yn ôl sy'n gofyn am gytundeb lleol. Bydd angen dad-ddirwyn a newid hyn.

Gall fod yn anodd neu'n amhosibl i Awdurdodau Gweinyddu gymeradwyo camau gweithredu gyda chostau materol (megis llogi personél ar gyfer cwmnïau cronfeydd) yn absenoldeb rheoliadau (ar ffurf ddrafft o leiaf). Mae'n hanfodol bod unrhyw newidiadau mewn rheoliadau y mae'r llywodraeth yn eu gwneud yn seiliedig ar yr ymgynghoriad hwn yn cael eu cyhoeddi cyn gynted ag y bo'n ymarferol i atal oedi cymeradwyo awdurdodau lleol a allai ei gwneud hi'n amhosibl cwrdd ag amserlen heriol y llywodraeth. Gall hefyd fod yn anodd i'r FCA hwyluso'r gwaith o fewn y terfyn hwn.

Cwestiwn 11

Pa sgôp sydd ar gael i gynyddu cydweithredu rhwng cronfeydd, gan gynnwys rhannu arbenigeddau neu arbenigedd lleol penodol? A oes unrhyw rwystrau ar gyfer cydweithio o'r fath?

Os yw cydweithrediad rhwng cyd-gronfeydd yn fuddiol i gronfeydd y cleient o ran costau is i gael mynediad at ystod fwy o bortffolios arbenigol, yna byddai cynyddu cydweithrediad yn fuddiol. Gall fod yn benderfyniad i'r cwmni cyd-gronfa i yrru cydweithrediad ac arddangos ei fod er budd ei gleientiaid. Yn ychwanegol, dylai'r cwmni cyd-gronfa fedru penderfynu p'un a yw'n dymuno buddsoddi drwy gyd-gronfa arall os yw hynny'n dal i fod er budd gorau'r cleient.

Cwestiwn 12

Pa botensial sydd ar gyfer cydweithio rhwng cronfeydd partner yn yr un gronfa ar faterion fel gweinyddu a hyfforddiant? A oes meysydd eraill lle gallai mwy o gydweithio fod yn fuddiol?

Nid ydym yn cefnogi cydweithrediad gorfodol ar faterion megis gweinyddu. Mewn cyferbyniad â buddsoddiadau, mae'r potensial o gynhyrchu economïau sylweddol yn is ond mae'r risg o drosglwyddo data ac ati yn llawer uwch. Mae llawer o amser ac adnoddau yn cael eu rhoi i weithio gyda chyflogwyr i sicrhau data cywir a glân, felly mae datblygu perthnasau yn hanfodol. Ni ddarparwyd unrhyw dystiolaeth i ddangos y bydd cynyddu'r raddfa yn gwneud hyn yn fwy effeithlon.

Mae gan PPC gynllun hyfforddi blynyddol eisoes ar gyfer AG.

Cwestiwn 13

Beth yw eich barn chi ar y diffiniad priodol o 'fuddsoddiad lleol' at ddibenion adrodd?

Mae PPC yn cydnabod disgwyliad y llywodraeth y dylid ystyried "lleol" ledled y DU, gan ddefnyddio asedau CPLIL i gefnogi twf y DU. Ar yr un pryd, o ystyried ei sefyllfa unigryw a'i gymhelliant i gefnogi buddsoddiad yng Nghymru, sef lle y bydd PPC yn blaenoriaethu ei hymdrechion buddsoddi lleol, gan adeiladu ar waith a wnaed hyd yma.

Fodd bynnag, mae Cronfa Bensiwn Gwynedd yn credu y dylai diffiniad "lleol" hefyd ymdrin â'r ardal a wasanaethir gan yr awdurdod gweinyddu. O ganlyniad, rydym yn awgrymu bod adrodd yn ymdrin â buddsoddiad lleol ar dair lefel: ardal y gronfa, ardal y cyd-gronfa a gwlad. Byddai hyn yn hwyluso adrodd mwy deallus, gan alluogi cyd-gronfeydd ac awdurdodau gweinyddu ddangos effaith mewn ffyrdd gwahanol.

Cwestiwn 14

Ydych chi'n cytuno y dylai awdurdodau gweinyddu weithio gyda'u Hawdurdod Cyfunol, Awdurdod Cyfunol Maerol, Awdurdod Sir Cyfunol, Cyd-bwyllgor Corfforedig neu gydag awdurdodau lleol mewn ardaloedd lle nad yw'r rhain yn bodoli, i nodi cyfleoedd buddsoddi lleol addas, ac i ystyried cynlluniau twf lleol a blaenoriaethau twf lleol wrth osod eu strategaeth fuddsoddi? Sut fydddech chi'n rhagweld y byddai'ch cronfa yn ceisio cyflawni hyn?

Dylent.

Yn amlwg, mae cyfleoedd i weithio gyda phartïon eraill i adnabod cyfleoedd buddsoddi lleol posib, ond mae angen eglurder ar y ffordd ddisgwyliedig tuag at weithredu.

Ar hyn o bryd, mae'r Llywodraeth yn disgwyl i bob cronfa adnabod cyfleoedd posib a fydd yn cael eu cynnig i'r cyd-gronfa er ystyriaeth, gan gynnwys diwydrwydd dyladwy a gwarantu. Mae hyn yn creu angen ar gyfer adnodd mewnol gyda chyfres o sgiliau priodol ar lefel y gronfa a'r lefel cyd-gronfa, ac i gadarnhau'r rhaniad o gyfrifoldeb rhwng y cronfeydd a'r cyd-gronfa, yn benodol:

- Mae angen i gronfeydd fedru adnabod beth all fod yn ffurfiau priodol o fuddsoddiad lleol neu beidio a bydd, yn ei dro, angen sefydlu'n glir y canllawiau buddsoddi priodol sy'n cynnwys beth sy'n dderbyniol.
- Mae'r cyd-gronfa yn gweithredu cyfanswm o gyfalaf ar draws cronfeydd ac felly mae angen iddynt werthuso'r rhinweddau perthnasol o wahanol gyfleoedd o gronfeydd yr aelodau.

Er enghraifft, a fydd angen i gronfeydd basio drwy'r holl gyfleoedd i'r cyd-gronfa, neu ymgymryd â rhyw fath o asesiad eu hunain ar beth ddylid ei basio? Bydd y cyntaf yn rhoi mwy o lwyth gwaith ar y cyd-gronfeydd ond dylent fod wedi'u lleoli yn well i ddarparu'r asesiad hwn na'r cronfeydd.

Cwestiwn 15

Ydych chi'n cytuno y dylai awdurdodau gweinyddu nodi eu hamcanion ar fuddsoddiad lleol, gan gynnwys amrediad targed yn eu datganiad strategaeth buddsoddi?

Ydyn.

Mae'r ymgynghoriad yn awgrymu y dylai'r cronfeydd osod eu hamcanion ar fuddsoddiadau lleol, gan gynnwys amrediad dyraniad targed a byddwn yn gefnogol o hyn. Dylai dyraniad ased strategol aros yn benderfyniad buddsoddiad lleol, o ystyried y bydd penderfyniadau polisi buddsoddi ac amcanion ariannu fel arall yn aros gyda'r awdurdodau gweinyddu. Bydd angen eglurder o sut mae buddsoddiad lleol yn gor-gyffwrdd â fframio arfaethedig y dyraniad ased strategol, e.e., a fyddai buddsoddiad lleol yn ddosbarth ased ynddo'i hun?

Cwestiwn 16

Ydych chi'n cytuno y dylid gofyn am gronfeydd i ddatblygu'r gallu i gynnal diwydrwydd dyladwy ar gyfleoedd buddsoddi lleol ac i reoli buddsoddiadau o'r fath?

Ydyn.

Mae'n briodol bod mecanwaith clir lle gellir cyflawni diwydrwydd dyladwy ar gyfleoedd buddsoddi lleol, a gwneud ac wedyn rheoli buddsoddiadau ar sail barhaus. Fodd bynnag, rydym hefyd yn adnabod bod hyn angen mynediad at gryn arbenigedd a sgiliau gwahanol. Cyn mynd â'r gofyniad hwn ymlaen, mae'n rhaid ei wneud yn glir ar sut mae'n disgwyl gweithredu buddsoddiadau lleol, e.e., bydd angen gwahanol sgiliau os yw'r buddsoddiadau yn cael eu gwneud yn uniongyrchol neu os ydynt yn cael eu gwneud drwy gerbyd cronni.

Cwestiwn 17

Ydych chi'n cytuno y dylai awdurdodau gweinyddu adrodd ar eu buddsoddiadau lleol a'u heffaith yn eu hadroddiadau blynyddol? Beth ddylid ei gynnwys yn yr adroddiadau hyn?

Ydyn.

Fodd bynnag, mae'r ddogfen ymgynghori yn awgrymu bod adrodd yn gwasanaethu i wneud y cronfeydd yn atebol, ond i wneud y cynigion ar gyfer buddsoddiad lleol drwy'r cyd-gronfa, ac felly mae angen eglurder.

Mae adrodd yn sicr yn ddefnyddiol, fodd bynnag dylid bod egwyddorion clir ar gyfer adrodd ar fuddsoddiadau lleol i sicrhau disgrifiad clir a theg o asedau'r cronfeydd.

Dylai'r adrodd wasanaethu pwrpas clir ar gyfer awdurdodau gweinyddu a'u cyflawni i gwrdd ag anghenion rhanddeiliaid. Tra bo' modd i'r Adroddiad Blynyddol fod yn fforwm priodol ar gyfer adrodd, efallai nad yw'n briodol fel modd o gyfathrebu ar gyfer aelodau. Ni ddylai'r adrodd ddyblygu adrodd a

wnaed mewn mannau eraill. Er enghraifft, os yw adrodd ar fuddsoddiadau lleol yn cael ei ddarparu gan gyd-gronfeydd (gan eu bod yn gyfrifol am weithredu), yna byddai'n fwy priodol i ddarparu adrodd o'r fath ar lefel cyd-gronfa. Gall cronfeydd wedyn gyfeirio adrodd cyd-gronfa yn ôl yr angen.

Ni ddylai'r adrodd greu cost angenrheidiol a/neu feichiau llywodraethu ar gronfeydd. Nid yw adroddiad effaith yn gyffredinol wedi'i ddatblygu mor dda â ffurfiau eraill o adrodd stiwardiaeth, ac mae'r mecanwaith ar gyfer cyfrifo effaith yn debygol o fod yn fwy goddrychol nag adrodd ar berfformiad.

Cwestiwn 18

Ydych chi'n cytuno â'r dull cyffredinol o lywodraethu, sy'n adeiladu ar argymhellion Llywodraethu Da'r SAB?

Ydyn.

Rydym yn cefnogi'r Llywodraeth yn cymryd camau i weithredu Llywodraethu Da'r SAB fel bod mwy o gysondeb ar draws y cynllun. Yn benodol, rydym yn gefnogol o'r cynnig bod y Llywodraeth yn gweithio gyda'r SAB i ddatblygu a chyhoeddi arweiniad statudol newydd ar lywodraethu. Bydd arweiniad yn helpu i gyflawni cysondeb ar draws y CPLIL a bydd yn rhoi mwy o eglurder ar ddisgwyliadau'r Llywodraeth ar gyfer sut dylai'r gofynion newydd gael eu gweithredu.

Cwestiwn 19

Ydych chi'n cytuno y dylai awdurdodau gweinyddu fod yn ofynnol i baratoi a chyhoeddi strategaeth lywodraethu a hyfforddi, gan gynnwys polisi gwrthdaro buddiannau?

Ydyn.

Rydym yn cytuno y dylai'r cronfeydd gyhoeddi strategaeth lywodraethu, strategaeth hyfforddi a pholisi gwrthdaro buddiannau er ni ddylai'r rhain i gyd ffurfio rhan o'r un ddogfen. Dylai'r rhain fod yn ddogfennau ar eu pen eu hunain ar gyfer ymarferoldeb, hwylustod cyfeirio a hyblygrwydd, er nid oes unrhyw reswm pan nad oes modd iddynt gyfeirio at neu roi dolen i'w gilydd pan fo'n berthnasol. Mae'r arweiniad datganiad cydymffurfiaeth llywodraethu cyfredol yn dyddio'n ôl i Ragfyr 2008 ac yn ôl-ddyddio cyd-gronfeydd buddsoddi a byrddau pensiwn lleol ac felly, bydd arweiniad newydd yn ddefnyddiol ar gyfer cronfeydd yn yr ardal hon.

Cwestiwn 20

Ydych chi'n cytuno â'r cynigion ynglŷn â phenodi uwch swyddog CPLIL?

Ydyn.

Byddai'r gofyniad i gael uwch swyddog CPLIL ymhob cronfa CPLIL yn ddatblygiad a fydd yn cael ei groesawu, a bydd ganddo sawl mantais o bosib:

- Cydnabyddiaeth ddigonol o swyddogaeth y CPLIL - er nad yw'r ddarpariaeth bensiynau o fewn cyngor yn wasanaeth rheng-flaen, mae'n rhan bwysig o'r drefn llywodraeth leol, ac o bosib, mae risgiau enw da ac ariannol sylweddol o lywodraethu gwan ar lefel leol. Dylai uwch swyddog CPLIL helpu i sicrhau bod materion CPLIL yn cael ystyriaeth ac amlygrwydd priodol o fewn yr awdurdod lleol, a bod materion CPLIL yn cael eu cynrychioli'n briodol.
- Uwch adnoddau digonol - mae'r CPLIL wedi dod yn gynyddol gymhleth dros y blynyddoedd diwethaf a dylai greu rôl uwch swyddog CPLIL helpu i sicrhau bod uwch adnoddau digonol yn cefnogi'r tîm pensiynau ehangach.
- Cysondeb ar draws y cynllun - gall awdurdodau lleol fod yn wahanol i'w gilydd yn sylweddol o ran maint, diwylliant, swyddogaethau ac adnoddau, a gall y gwahaniaethau hyn arwain at wahaniaethau

yn sut gellir cyflawni swyddogaeth y CPLIL. Bydd cael uwch swyddog CPLIL fel gofyniad ymhob cronfa yn sicrhau, er gwaetha'r gwahaniaethau yn y dirwedd leol, bod swyddog dynodedig ymhob awdurdod gweinyddu sydd â chyfrifoldeb ar gyfer y CPLIL.

Cwestiwn 21

Ydych chi'n cytuno y dylai awdurdodau gweinyddu fod yn ofynnol i baratoi a chyhoeddi strategaeth weinyddol?

Ydyn.

Ar hyn o bryd, mae Cronfa Bensiwn Gwynedd yn paratoi a chyhoeddi strategaeth weinyddu ac felly yn cytuno gyda'r gofynion hyn i sicrhau cysondeb ar draws yr holl gronfeydd.

Cwestiwn 22

Ydych chi'n cytuno â'r cynnig i newid y ffordd y mae strategaethau ar lywodraethu a hyfforddiant, cyllid, gweinyddu a buddsoddiadau yn cael eu cyhoeddi?

Ydyn.

Tra ei fod yn bwysig i'r holl randdeiliaid yn y CPLIL gael mynediad hawdd at ddogfennau polisi cronfa, rydym yn cytuno nad yw'n ddefnyddiol cynnwys y testunau llawn o'r dogfennau hyn sy'n aml yn hir iawn yn yr adroddiad blynyddol. Rydym yn cefnogi'r awgrym bod y Llywodraeth yn gweithio gyda'r SAB er mwyn ystyried hyn ymhellach a diweddarau'r arweiniad.

Cwestiwn 23

Ydych chi'n cytuno â'r cynigion ynglŷn ag adolygiadau llywodraethu annibynnol bob dwy flynedd? Beth yw eich barn ar y fformat a'r meini prawf asesu?

Ydyn.

Rydym yn cefnogi'r egwyddor o adolygiad llywodraethu annibynnol, gan fod hyn yn darparu asesiad amcanion ar ba mor dda y mae'r cronfeydd yn cwrdd â'r safonau llywodraethu sydd eu hangen. Mae'n bwysig bod y broses wedi'i dylunio mewn modd i ganolbwyntio ar wella llywodraethu, rhannu arferion da a chefnogi cronfeydd. Gall dull bob dwy flynedd fod yn anodd ei gefnogi'n genedlaethol, opsiwn posib fyddai adolygiad ar sail tair blynedd.

Cwestiwn 24

Ydych chi'n cytuno â'r cynnig i fynnu bod gan aelodau'r pwyllgor pensiwn wybodaeth a dealltwriaeth briodol?

Ydyn.

Mae gan bwyllgorau pensiynau gyfrifoldeb cyffredinol ar benderfyniadau yn y CPLIL ac mae'n hanfodol ar gyfer llywodraethu'r cynllun yn effeithiol bod ganddynt lefel briodol o wybodaeth a dealltwriaeth o reolau'r cynllun. Mae Cronfa Bensiwn Gwynedd yn rhoi gwerth uchel ar hyfforddiant aelodau'r pwyllgor i sicrhau bod pwyllgorau yn medru darparu craffu gwerthfawr a goruchwyliaeth rhedeg y gronfa. Fodd bynnag, bydd ffurfioli hyn drwy ofyniad statudol yn sicrhau bod disgwyliadau'r Llywodraeth yn glir ac yn helpu i gefnogi gwell cysondeb ar draws y cynllun.

Fel mae'r ymgynghoriad yn ei nodi, mae gofyn i aelodau bwrdd pensiwn lleol gael gwybodaeth a dealltwriaeth o'r cynllun ers i fyrddau pensiwn lleol gael eu sefydlu ym mis Ebrill 2015 ac rydym yn credu ei fod yn bwysig ymdrin â'r anomaledd nad yw'r un gofyniad yn berthnasol i bwyllgorau pensiynau eto.

Cwestiwn 25

Ydych chi'n cytuno â'r cynnig i fynnu bod Awdurdodau Gweinyddu yn nodi yn eu strategaeth llywodraethu a hyfforddiant sut y byddant yn sicrhau bod y gofynion newydd ar wybodaeth a dealltwriaeth yn cael eu bodloni?

Ydyn.

Rydym yn cytuno gyda'r cynnig hwn. Mae gan Gronfa Bensiwn Gwynedd bolisi hyfforddiant, ond mae hyn yn rhoi cyfle i ddod ag amryw o ofynion hyfforddiant at ei gilydd, megis Cod Ymddygiad Cyffredinol y Rheoleiddiwr Pensiwn, fframwaith sgiliau a gwybodaeth CIPFA a MiFID II i arweiniad cyson.

Cwestiwn 26

Beth yw eich barn chi p'un a ddylid ei gwneud yn ofynnol i awdurdodau gweinyddu benodi person annibynnol fel ymgynghorydd neu aelod o'r pwyllgor pensiwn, neu ffyrdd eraill o gyflawni'r nod?

Tra ein bod yn cefnogi ystyriaeth y Llywodraeth i sut y gellir datblygu llywodraethu CPLIL a sut all awdurdodau gweinyddu gael mwy o gefnogaeth ar dirwedd gweinyddu, llywodraethu a buddsoddiadau cymhleth y cynllun, rydym yn ansicr os mai'r gofyniad ar gyfer ymgynghorydd annibynnol yw'r ffordd orau.

Ymddengys bod yr ymgynghoriad yn rhagweld y byddai'r ymgynghorydd annibynnol yn weithiwr proffesiynol pensiynau unigol a fyddai'n cefnogi'r pwyllgor pensiynau ar weinyddu, llywodraethu a strategaeth fuddsoddi. O ystyried bod yr holl feysydd hyn yn gymhleth iawn eu hunain, byddai angen i ymgynghorydd annibynnol gael capasiti ymchwil sylweddol er mwyn cyflawni'r swyddogaeth hon yn ddigonol.

Mae'n ymddangos y gall y Llywodraeth gredu bod angen cael ymgynghorydd annibynnol ar lefel y gronfa er mwyn sicrhau bod gan awdurdodau gweinyddu arbenigedd buddsoddi digonol i fedru herio cyd-gronfeydd ar faterion buddsoddi a rhoi cefnogaeth i bwyllgorau ar osod y strategaeth fuddsoddi. Ymddengys bod hyn yn gydnabyddiaeth y bydd y cynnig bod cyd-gronfeydd yn darparu cronfeydd partner gyda'r prif gyngor ar ddyraniad ased strategol yn gadael bwlch pwysig yn llywodraethu'r CPLIL. Rydym yn ansicr p'un a fyddai ychwanegu elfen newydd gymhleth i dirwedd llywodraethu'r CPLIL, gyda marchnad nad yw wedi'i phrofi na'i datblygu, yn well na'r safle cyfredol, lle gall awdurdodau wneud eu penderfyniadau eu hunain ar bwy i fynd atynt i gael cyngor buddsoddi. Ar gydbwysedd, rydym yn credu y dylai'r cronfeydd CPLIL fedru caffael cyngor gan ystod o ymgynghorwyr yn ôl eu hanghenion ac yn unol ag unrhyw ofynion proffesiynol a rheoleidiol.

Cwestiwn 27

Ydych chi'n cytuno y dylai byrddau cwmnïau cronfeydd gynnwys un neu ddau o gynrychiolwyr cyfranddalwyr?

Mae'n hanfodol y dylai'r AG sy'n gyd-gyfranddalwyr cwmni'r gronfa a chleientiaid / buddsoddwyr gael cynrychiolaeth ar fwrdd cwmni'r gronfa.

Yn ddelfrydol, ni fyddai nifer y cynrychiolwyr cyfranddalwyr yn cael eu hamodi. Bydd angen i'r FCA weld cyfansoddiad arfaethedig a chylch gorchwyl Bwrdd cwmni'r gronfa fel rhan o'r broses ar gyfer awdurdodi cwmni'r gronfa. Dylai fod yn feirniad o ran cymysgedd a'r sgiliau priodol o gynrychiolwyr aelodau'r Bwrdd.

Cwestiwn 28

Beth yw eich barn chi ar y ffordd orau o sicrhau bod barn a diddordebau aelodau yn cael eu hystyried gan y cronfeydd?

Mae wedi bod yn her ers amser i gronfeydd gael barn gynrychioladol wirioneddol eu haelodau. Dylai cronfeydd ymgysylltu â'u haelodaeth i ddeall eu barn ac yna bwydo hyn i'r cyd-gronfa. O ystyried yr her o ymgysylltu ag aelodau, maent hyd yn oed yn llai tebygol o ymgysylltu â chyd-gronfa nad ydynt yn gyfarwydd â hi, o gymharu â'u cronfa bensiw lleol, sef cronfa maent eisoes yn gyfarwydd â hi ac yn aelod ohoni.

Bydd hyn hefyd yn helpu cronfeydd i sicrhau bod barn eu haelodau yn cael eu cynrychioli, o gymharu â'r arolwg yn cael ei weithredu gan y cyd-gronfa, gan y byddant wedi gweld yr wybodaeth yn uniongyrchol i gyfathrebu wedyn i'r cyd-gronfeydd a'u herio nhw ar hynny. Bydd angen i fecanweithiau llywodraethu priodol gael eu rhoi mewn lle i alluogi llais yr aelodau i gael ei glywed, heb roi dylanwad gormodol ar unrhyw grŵp o aelodaeth. Mae angen cydnabod y prif beth mai, yn wahanol i drefniadau sy'n seiliedig ar ymddiriedolaeth, perchennog yr asedau CPLIL yw'r awdurdod gweinyddu.

Cwestiwn 29

Ydych chi'n cytuno y dylai cronfeydd adrodd yn gyson a gyda mwy o dryloywder, gan gynnwys perfformiad a chostau? Pa fetrigau ydych chi'n meddwl fyddai'n fuddiol i'w cynnwys yn yr adroddiadau hyn?

Ydyn.

Bydd awdurdodau gweinyddu yn parhau i fod angen adrodd ar berfformiad buddsoddi, hinsawdd a metrigau ESG eraill, yn ogystal â chostau. Rydym yn derbyn y rhain yn flynyddol naill ai o'r cyd-gronfa neu reolwyr etifeddol a darparwyr gwasanaeth, yn unol â'r Fenter Tryloywder Cost ar gyfer costau buddsoddi. Ni ddylai unrhyw ddirprwyo ychwanegol o gyfrifoldebau i gwmni'r cyd-gronfa leihau'r lefel o adrodd i awdurdodau gweinyddu.

Cwestiwn 30

Ydych chi'n ystyried bod unrhyw grwpiau penodol sydd â nodweddion gwarchodedig a fyddai naill ai'n elwa neu'n cael eu hanfanteisio gan unrhyw un o'r cynigion? Os felly, rhowch ddata neu dystiolaeth berthnasol.

Na.

Nodwn y bydd angen i Gronfa Bensiwn Gwynedd a PPC allu darparu'r holl gyfathrebiadau yn Gymraeg yn ogystal â Saesneg.